

efficiunt) contexto, includitur, quo apte quas-
sando pulvis subtilissimus a crassiore separatur;
hic denuo tritus eodem modo tractatur, ille vero
inpalpabilis servandus est.

CALAMINA PRÆPARATA.

Fit, ut Bolus præparata, e *Calamina*.

CARBO ANIMALIS.

Carbo Lixivii Sanguinis.

Rec. *Carbonatis kalici depurati* libras duas, p. 1.

Sanguinis bovini, recentis libras decem p. 5

Mixta supra balneum arenæ evaporant, ut ex-
siccentur; quo facto in crucibulo ferreo tecto
leni igne candescunt, quamdiu vapores inflam-
mabiles evolvantur. Massa refrigerata cum *Aqua*
destillata in mortario teritur in pulverem tenu-
issimum, qui, Aquâ probe lotus, cum *Acido*
hydrochlorico diluto coquitur et Aquâ destillatâ
denuo edulcoratur. Carbo residuus levis sicca-
tur et in crucibulo, bene tecto, leniter excan-
descit. Post refrigerationem in vas, probe clau-
dendum, statim ingeritur.

CARBO SPONGIÆ.

Spongia usta.

Spongiæ marinæ frustula, ab arenulis pur-
gata, in crucibulo cooperto, ut plane excan-
descant et donec fumum emittere cessent, urun-
tur. Carbo exinde ortus in crucibulo, ex igne
remoto, operculo etiamnunc remanente, refrige-
ratur et in vase clauso servatur.

CARBO VEGETABILIS PRÆPARATUS.

Carbo ligneus præparatus.

Quum ignis in fornace *Ligno Betulæ* alitur, carbones candentes, ubi aëres inflammabiles edere cesserint, in olla, operculo imposito, exstinguuntur et, etiamnunc calidi atque cineribus liberati, in pulverem rediguntur, qui in vase clauso statim servatur.

CARBONAS KALICUS DEPURATUS.

Subcarbonas kalicum depuratum.

Potassa depurata

Rec. *Potassæ calcinatæ* libras quattuor, . . p. 2.*Aquæ destillatæ* libras sex p. 3.

Mixta, agitatione sæpius iteratâ, per triduum macerantur. Solutio clara post subsidentiam sordium defunditur et in vase ferreo mundo ad dimidium evaporat; tum, lixivio refrigerato, quod limpидum est a crystallis, post diem unum alterumve depositis, decanthatur et in vase ferreo ad siccum vaporat. Residuum etiamnunc calens in pulverem redigitur et in vasis, optime obturatis, statim servatur.

CARBONAS KALICUS PURUS.

Alkali Tartari. Subcarbonas kalicum purum.

Tartarus depuratus, in pulverem redactus, in vas ferreum, ad rubedinem usque calefactum, per vices injicitur ibique ad plenam destructionem uritur. Massa alkalina, hinc orta, *Aquâ destillatâ* extrahitur, et liquor colatus in vase ferreo mundo vaporat ad siccum.

Servatur in vase, optime clauso. Si album non apparet, tale tandem fit ustione, dissolutione in Aqua destillata et evaporatione.

CATAPLASMA SINAPINUM FORTIUS.

Sinapismus acris.

Rec. *Sinapis nigrae seminum* pulveratorum quantum placet,

Aquæ destillatæ quantum satis,
ut fiat cataplasma mollioris consistentiæ, quod in vase vitreo, orificio amplo, epistomio vitreo claudendo, servandum est, ut promptum habeatur.

CATAPLASMA SINAPINUM MITIUS.

Sinapismus mitis.

Rec. *Secalis farinæ* unciam unam, p. 1.

Sinapis nigrae seminum pulveratorum uncias tres, p. 3.

Aquæ destillatæ quantum satis,
ut fiat cataplasma mollioris consistentiæ.
Paratur ex tempore.

CERATA.

Materiæ pingues, in ceratis parandis, ope balnei aquæ bullientis liquandæ sunt ac miscendæ.
Servantur loco frigido, non humido.

CERATUM ALBUM.

Rec. *Ceræ albæ* uncias duas et dimidiam, p. 5.

Cetacei uncias tres, p. 6.

Olei Olivarum communis uncias sex . p. 12.

Liquando miscentur. Massa, per linteum tra-
jecta, in capsulis refrigeratur.

CERATUM RUBRUM.

Ceratum labiale.

Rec. *Alcannæ radices corticis* drachmas duas, p. 1.
Ceræ albæ unciam dimidiam, p. 2.
Olei Cacao unciam, p. 4.
Butyri recentis, nondum saliti, uncias
 duas. p. 8.

Simul liquefacta et mixta per linteum colan-
tur et in capsulis refrigerantur.

Servatur loco obscuro vel in vase non pel-
lucido.

CERATUM SABINÆ.

Rec. *Ceræ flavæ* unciam unam, p. 1.
Sabinæ ramulorum uncias duas, . . . p. 2.
Axungię curatæ uncias quattuor . . . p. 4.

In balneo vaporis per horam digeruntur; tum
per linteum exprimitur ceratum, in vase non
pellucido servandum.

CEREOLI.

Rec. *Olei Olivarum communis* partem unam, p. 1.
Ceræ flavæ partes sex p. 6.

Post lenem humidi evaporationem, e massa ab
igne remota fiunt cereoli, superficie lævi, vari-
antibus formâ et diametro, prout requiruntur.

CEREOLI PLUMBICI.

Cerei medicati.

Rec. *Solutionis Subacetatis plumbici* drachmas
duas, p. 2.

Cetacei drachmas tres, p. 3.

Ceræ flavæ libram p. 96.

In balneo vaporis liquefacta miscentur; e massa,
nondum refrigerata, finguntur lege artis cereoli.

Parantur quoque, si requiruntur, cum So-
lutionis Subacetatis plumbici duplo vel quadruplo.

CHARTA AD FONTICULOS.

Rec. *Terebinthinæ communis* uncias duas, . p. 4.

Sevi ovilli curati uncias quattuor, . . p. 8.

Ceræ flavæ libram dimidiam, p. 12.

Resinæ flavæ libram p. 24.

In balneo aquæ colliquatis atque etiam nunc
calidis additur

Acetatis cuprici, in pulverem tenuem re-
ducti, uncia dimidia, p. 1.

et immerguntur in hanc miscelam colatam pla-
gulæ chartæ tenuioris, albæ, tenacis, post re-
frigerium servandæ.

CHLORETUM AURICO-NATRICUM.

Murias Aurico-natricum.

Auri ducatus vel pars una

in *Acidi hydrochlorici* partibus quattuor

et *Acidi nitrici diluti* parte una vel sufficiente

quantitate, sensim addenda, solvitur. Liquidum,

Aquâ destillatâ dilutum, a Chloreto argenteo,

in fundo remanente, separatur et cum solutione
colatâ, e

*Sulphate ferroso et
Aqua destillata*

confectâ, miscetur, quamdiu oritur præcipitatum, colo papyraceo colligendum atque *Acido hydrochlorico* primum, dein *Aquâ destillatâ* lavandum et denique siccandum.

Auri tali modo purificati quantitas ponderata in *Acido hydrochlorico*, additâ quanta minima requiritur *Acidi nitrici diluti* copiâ, denuo solvitur. Solutioni, *Aquâ destillatâ* dilutiori factæ, ad *Auri* partes decem,

Salis communis partes tres adduntur; quibus solutis, liquor balnei vaporis calore ad siccum vaporat. Massa sicca in vase opaco ac bene clauso servatur.

CHLORETUM BARYTICUM.

Murias baryticum.

Terra ponderosa salita.

Rec. *Spathi ponderosi*, in pulverem subtilissimum contriti, libram p. 8.

Cum *Carbonis lignei* uncia sesquialtera . . p. 1.
et *Hordei farinæ* unciis tribus p. 2.

intime commiscetur et in crucibulo fictili, inde replendo, sub tegmine minoris crucibuli, Carbone contrito repleti, igne validissimo per horæ spatium vel amplius uritur. Crucibulo refrigerato et carbone rejecto, Sulphuretum baryticum cum

Aquæ destillatæ fervidæ libris tribus p. 24.
in vase clauso, sæpius agitando, per horæ dimidium digeritur, et liquor ab insolutis colo separatur, quæ *Aquâ destillatâ* fervidâ abluenda sunt. Liquidis conjunctis caute instillatur

Acidi hydrochlorici

quantum ad saturandum requiritur. Tum liquor, post digestionem ad Sulphidum hydricum fuggandum, ad siccum vaporat, massa residua in crucibulo per horæ dimidium uritur et postremo in Aquæ destillatæ ferventis sufficiente quantitate solvitur; solutio, etiamnunc fervida, per chartam colatur et loco frigido, ut crystalli formentur, seponitur. Liquidum remanens exhalatione minuitur, ut crystalli iterum formentur.

CHLORETUM CALCICUM.

Murias calcicum vel Calx salita.

Massa calcarea, quæ post præparationem Ammoniæ caustici remanet,

Acido muriatico crudo

saturatur. Solutio colata ad siccum vaporat, et massa sicca in crucibulo igni exponitur, donec omnis effervescentia cesset. Tum ignis augetur, ut quiete fluat massa liquata, quæ super laminam ferream effunditur et, quum etiamnunc calida in frustula est diminuta, in vase bene clauso servatur.

CHLORETUM FERRICO-AMMONICUM.

Murias ammonico-ferricum.

Sal ammoniacum martiale.

Chloreti ferrici uncia una p. 1.

et *Salis ammoniaci depurati* uncie sex . p. 6.

in *Aquæ destillatæ* sufficiente quantitate solvuntur; solutum, per chartam colatum, inter continuam agitationem, præsertim sub finem, in vase porcellaneo vaporat ad siccum. Servatur in vase bene clauso.

CHLORETUM FERRICUM.

Murias ferricum.

Rec. *Hæmaticæ præparati* quantum placet,
Acidi hydrochlorici triplum podus.

Digeruntur in phiala vitrea vel potius in retorta vitrea, excipulo adaptato, ut destillatum in retortam refundi possit, donec acidum saturatum sit. Liquidum rubicundum, colatione separatum ab Hæmatite non soluto, in patina porcellanea, evaporando ope balnei vaporis, ad syrupi tenuioris spissitudinem redigitur; tum patina, laminâ vel campanâ vitreâ tecta, in locum frigidum et humidum per hebdomadas vel menses seponitur, donec crystalli, in massam aurantiacam concretæ, crescere desinant, quæ muriâ liberatæ in lagena sicca, probe obturanda, servantur.

✂ CHLORETUM HYDRARGYRICUM CORROSIVUM.

Murias hydrargyricum corrosivum.

Mercurius corrosivus albus sublimatus.

Rec. *Hydrargyri destillati* uncias sex, . . . p. 2.
Acidi Vitrioli uncias novem p. 3.

In vase porcellaneo decoquantur ad siccum.
 Massa sicca pulverata cum

Salis communis siccati et pulverati æqua portione intime commiscetur, et e cucurbita vel lagena vitrea, plane sicca, in arenam immersa et ad tertiam tantum partem repleta, fit, calore lenissimo, sublimatio. Massa crystallina, ad superiora

superiora cucurbitæ vel lagenæ hærens, a scoriis purgata, caute servatur.

CHLORETUM HYDRARGYROSUM.

Murias hydrargyrosus. Mercurius dulcis. Calomel.

Acidum nitricum dilutum

cum *Hydrargyri destillati* superflua quantitate coquendo digeritur, idque per horæ spatium fit post gasis rubicundi cessationem, vel usque dum solutio flavescere incipiat. Acidum Oxido hydrargyroso saturatum et etiamnunc fervidum

Aquæ destillatæ fervidæ partibus duodecim et *Acidi nitrici diluti* parte vel dimidiâ vel tantâ diluitur, ut liquor clarus evadat, qui, Aquâ destillatâ affusâ, non turbetur. Hic liquor, mox colatus, solutioni colatæ et ferventi, quæ

Salis communis partem, Hydrargyro soluto pondere æqualem,

in *Aquæ destillatæ* duodecuplo pondere solutam, continet, inter agitandum additur.

Quod fundum petit a liquido separatur et, Aquâ destillatâ fervidâ diligentissime elotum, in charta bibula leni calore siccatur.

CHLORETUM STIBICUM.

Murias stibiosus. Butyrum Antimonii.

Rec. *Sulphureti stibici præparati*,

Acidi Vitrioli, singulorum partes æquales.

In patina porcellanea miscentur et ope caloris ad siccum usque rediguntur. Quæ restat massa albida vel cinerea cum

Salis communis, siccati et in pulverem reducti, duplo pondere

commiscetur et in retortam vitream immittitur, ex qua, adaptato excipulo sicco, fit in balneo arenæ destillatio; interea cavendum, ne retortæ collum, si major admoveatur frigoris vis, destillato obstruatur. Destillatum, quod produci-
tur, in vase vitreo, epistomio vitreo instructo, asservatur.

CHLORETUM ZINCICUM.

Rec. *Acidi hydrochlorici* quantum placet.

Additur huic per vices

Zinci laminati vel granulati tantum, ut, ces-
sante effervescentiâ acidoque saturato, copia quæ-
dam *Zinci* intacta supersit. Liquor, per colum
trajectus, calore vaporat, donec refrigeratione
concreseat in massam salinam, quæ statim in
vitro sicco et probe clauso servatur.

CINNABARIS PRÆPARATA.

Præparatur *Cinnabaris rubra* ut Bolus præ-
parata.

CONDITUM AURANTII.

Aurantiorum cortices in *Aquam fluvialem*
fervidam immerguntur, donec mollescant, ita ut
culmo secalino perforari queant. Tum cortices,
ab albedine mundati, cribro subverso imponun-
tur, ut a humore superfluo liberentur. In vas
vitreum jam inditis affunditur *Syrupus Saccha-
ri*, qui eos contegat. Post diem unum alterumve
eximuntur cortices, qui syrupo, modico calore
spissato atque refrigerato, iterum immerguntur
et post aliquot dierum macerationem denuo exi-
muntur. Syrupus residuus, cum *Saccharo* iterum

ad justam spissitudinem reductus, postea corticibus affunditur, ut hos tegat.

Si e corticibus recentibus paratur conditum, maceratione non opus est.

CONFECTIO CINÆ.

Rec. *Cinæ levanticae*, a stipitibus aliisque quicquiliis optime mundatæ, partem unam.

Cacabo aheneo, amplo, super lenissimum ignem suspenso, immissæ affunduntur sensim

Sacchari albi, ad consistentiam tabulati cocti, partes quattuor vel quantum sufficit,

cacabum interea assidue agitando et massam spatulâ ligneâ probe intermiscendo. Semirefrigerata manu leviter teritur, ut globuli minuti formentur, donec omnia sicca appareant; tum partes pulverulentæ et semina, non satis incrustata, cribri ope ab incrustatis separantur, quæ servanda sunt. Cetera in cacabo, denuo mundato, eodem modo tractantur, donec saccharo rite obducta sint.

CONSERVA COCHLEARIÆ.

Cochleariæ Herbæ, minutim sectæ et diligenter contusæ, admiscetur *Sacchari albi* pulverati duplum.

CONSERVA ROSÆ.

Conserva Rosæ rubræ.

Rosæ multiplicis petalis recentibus et diligenter contusis admiscetur *Sacchari albi* pulverati par pondus.

CORALLIA PRÆPARATA.

Præparatur *Corallium rubrum* eodem modo, quo Bolus præparata.

CORNU CERVI USTUM PRÆPARATUM.

Cervi cornua in fornace comburuntur, donec penitus albescant; deinde statim præparantur eodem modo, ac Bolus præparata, et in vase bene clauso servantur.

Præparatum ejusdem indolis fit etiam ex *Ossibus Pecorum*.

CRETA PRÆPARATA.

Præparatur eodem modo, quo Bolus præparata, *Creta albissima*.

CYANETUM FERRICO-FERROSUM.

Cæruleum Berolinense.

Rec. *Chloreti ferrici* uncias tres, p. 1.

Aquæ destillatæ libras quinque . . . p. 20.

Fit solutio, cui colatæ additur partitis vicibus solutio colata, e

Kali zootico

et *Aquæ destillatæ* sufficiente quantitate confecta, quamdiu præcipitatum cæruleum prodit; cavendum tamen, ne excedat Kali zooticum. Liquor, inter præcipitandum bene agitatus, per horas viginti quattuor seponitur, quibus preterlapsis, quod limpidum est defunditur; præcipitatum vero in vase alto *Aquâ destillatâ*, sæpius affusâ et subinde post quietem defusâ, perfecte elotum colo colligitur et siccatur. In pulverem redactum in vase, bene clauso, servatur.

✂

CYANETUM KALICUM.

Rec. *Kali zootici*, in pulverem redacti, uncias
duas, p. 4.

Acidi sulphurici destillati,

Aquæ destillatæ, singulorum unciam . p. 2.

Sali, retortæ vitreæ tubulatæ indito, miscela refrigerata *Acidi et Aquæ* superfunditur, et fit, calore balnei *Chloreti calcici*, destillatio, quamdiu prodit acidum hydrocyanicum, quod per tubum vitreum incurvum, ad collum retortæ rite adaptatum, in lagenam perducitur, cui inest solutio clara, e

Hydratis kalici uncia p. 2.

et *Spiritus concentrati* unciis tribus et semis p. 7.

confecta; quod dum fit, tubus et lagena sollicitè sunt refrigeranda. Quæ, destillatione finitâ, lagenæ insunt crystalli, super colum papyraceum colliguntur, Spiritu concentrato eluuntur et, inter chartæ plagulas quam citissime siccatae, in vase optime clauso servantur.

DECOCTA.

Parantur (nisi aliud expressis verbis præscribitur) in vasis cylindricis altis, e stanno puro vel massa porcellanea confectis. Hæc vasa tegenda sunt operculo, cui est foramen, per quod tubus pure stanneus prope ad fundum demitti possit. Jam vero, ubi decoctum est præparandum, substantiæ, pro diversa singularum indole comminutæ, tantâ *Aquæ destillatæ* ferventis copiam humectantur, quantâ opus est, ut, operatione peractâ, præscriptam habeas decocti quantitatem; tum, operculo admoto, vapores aquæ, in apparatu idoneo bullientis, per tubum deducuntur, ita ut liquor in vase ferveat.